



DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono.

QUÆSTIO MEDICO-CHIRURGICA,

QUOD LIBETARIIS DISPUTATIONIBUS,
manè discutienda, in Scholis Medicorum, die Jovis vigesimo-tertio
mensis Martii, anno M. DCC. LII.

M. FRANCISCO POUSSE, Doctore Medico,
Præfide.

Utrum in deprimendâ Cataractâ, ipsius capsula infernè & posticè sit primum secanda?

I.



ORBORUM externam, ut & internam, anatome neglectâ, curationem aggredi perindè funestum est, ac nauticam ignoranti tabulam, maris confidenter adire pericula, fallax & arduum opus. Priusquàm igitur curandæ suffusionis methodus exponatur, oculi interest concinnâ saltem descriptione, bulbi structuram adumbrare, ut hâc probè intellectâ, quæ paucis cùm de naturâ, tùm de suffusionis differentiis, quæ tandem de ipsius curandæ methodo dicemus, luculentius assulgeant. A musculis adnatæque mem-

brana liber oculi bulbus, non nihil oviformis, tribus potissimum, stratis positis anatomico inquirenti cultro membranis conflatus obijcitur. Exterior dura matris foveoles, bulbi totius involucrium, posticè in segmentum majus, sensim gracilescens, durum, quasi coriaceum, hinc vasorum ad choroidem appellentium musculorumque oculi fulcimentum, quod opacam corneam seu scleroticam vocant; anticè in minus segmentum, tenerius, magis prominens, pellucensque cornea dictum, distinguitur. Sclerotica subjecta choroidea pia matris propago in duas dividitur lamellas innumeris propemodum sanguiferis vasis irriguas. Harum sclerotica attigua, choroidea propriè; Ruichiana audit altera. Illa argenteis vasculis millenos velut in vortices dispositis (a) internè refertur. Hujus superficiem internam innumera stellæ in modum (b) vascula perreptant. Utraque, sed interior præsertim, nigro tincta colore atrum exhibet pigmentum. Duplex hæc lamella à nervo optico, ad circulem usque pellucens corneæ marginem protensa, huic albicantibus filamentis albicantemque lineam circulem efficientibus, firmiter adhærescit. Abhinc introrsum reflexa (c) primò dat tenuissimam membranulam humoris vitreo obductam. Hæc tendineis fibris vasisque cujuscumque generis instructa, ciliare ligamentum, seu rectius, quamdam annuli simbriati speciem refert, cujus fibrillæ parallelo situ positæ interiorumque choroideis superficiem excedentes, huc ex anticâ parte radicis in modum adnascuntur; parte autem posticâ limbo capsulæ lentis quasi simbriatæ inseruntur ciliarefque processus ibi constituunt. Secundò mobile velum illud pellucens ponè corneam in orbem expansum, quod annularem in limbum definens, pupillæ spatium formamque circumscribit. Uvæ seu veli hujus antica facies à conspicuis ibi coloribus, iridis nomen retinet; postica nigro tingitur pigmento. Intrâ lamellas uvæ duplex se prodit fibrillarum carnearum tractus; orbiculares nimirum, quæ pupillæ contractioni dicatæ, limbum ipsius uvæ circumcingunt; & radiatæ, quæ orbicularibus alligatæ & pupillæ dilatandæ inservientes, circulo basis uvæ annectuntur. Ab expansione nervi optici producta, choroideis cavam superficiem mucosâ succingit, ad ciliare ligamentum usque, retina, & ab eo versùs lentis crystallinæ limbum deflectit, ipsique inseritur. Totam sanguiferis vasis conspersam esse retinam, in oculis infantium celebratæ injectiones, necnon internæ indicant ophthalmiæ. Propriâ subtilissimâque coercitis membranulâ, capaciorem oculi cavitatem occupat humor dictus à consistentiâ & pelluciditate summâ, vitreus. Ipsa hujus membranula simbriati annuli circulo majori adhæret, abhincque excurrentes sulculis cælata, processibus ciliaribus præbet vaginulas ad oras usque depressi ipsius vitrei prolatas. Ibiq; tandem in duas dispartitur lamellas, quæ crystallino corpori præstant involucrium. Harum postica albicans est, mollicula, & ex adverso lentis in vitreum deprimitur, sit concava, quamdam exhibet sedem in quâ lens recumbit crystallina. Hæc ex humore morgagnii intrâ parietes involucri sui conclusio efformata, ab eodem humore ortum refert in centro nucleum, ita comparatum, ut capæ instar propemodum, sibi invicem accretis instructa lamellis, formam lentis æmuletur. Harum nucleo vicinior citius, subsequentes tardius & alternè solidescunt. Lens itaque mollior in ambitu nuclei, sit in centro solidior, Uvæ seu velum aut septum lentem inter & pellucens corneam medium, datum ibi spatium limpido liquidissimoque latice refertum in cameram dividit anticam posticamque. Hæc ab uvæ, ad anticum usque lentis ambitum; illa à pellucens corneâ, ad iridem usque definitur. Uvæ tractus humoris aquei præsentia, ad perpendiculum utrobique compellitur. Lens autem convexa superficiem exhibet à centro ad limbum inclinatam. Hinc uvæ limbus lentisq; punctum pupillæ respondens, acutum efficiunt angulum. Triangulare igitur patet posticam esse cameram. Ea est oculi miranda compages, ut in eo partem vix reperiatis, ubi stupenda cujuscumque generis obvia non sit vasorum distributio. Hæc scleroticam per trunculos transgressa sanguinis effluvia universam intrâ choroidem reptat mirando propagantur; ipsius & etiam ad oras, (d) in uvæ est mirabilis arteriarum & venarum lymphaticarum compages, Illic ab uvæ basi, ad limborum usque

(a) Vid. Steenon.
(b) V. Wundt.
pag. 663. n.
219.

(c) Boerhaav.
Inst. de visu
n.
319.

(d) Vid. ad hæc.
Acad. Regiæ
Scienc. ann.
1741. R. 177.
& seq.

lensis crystallinæ regionem, quàm numerosi per ductulos scatulantur humorum rivuli; quanta ductulorum exilitas, quantus numerus, quàm artificiosus ordinis apparatus, vix credas. Præterea totam ferè sanguineis valis contextam esse retinam, tibi probant injectiones. Hæc itaque probè perpendenti, in eo positam esse cataractæ operationis efficaciam, ut prælaudata partium integritas ab omni læsione vitandâ præstetur incolumis, primâ fronte patebit. Quantum exinde inordinati acûs oculariæ motus sint præcavendi, quis non videt? Verbo dicam, sua sunt capsulæ vitrei vascula, cum nervæ, tum lymphatica; sua sunt & crystallini corporis involucri; sed præ exilitate, hæc existere, vix nisi ratione suaderi datur. Posticam ergò lentis capsulæ lamellam rite solventi malorum haud erit formidanda cohors; quin imò faulta semper res dabit auguria, si quâ decet solertiâ manûs, debito in loco, solutio ritè celebretur.

I I.

GENUINUS seu niger pupillæ color quandoque evanidus, ubi in alium convertitur, ibi vitii opacantis argumentum; hoc, modò crystallinum, modò vitreum inficitur corpus. Conspicua igitur per pupillam opacitas eundem non semper inculcat morbum. Nunc quippe crystallinus humor opacatur, & tunc suffusionis; alias vitreum corpus invasit opacitas, glaucomatis verò nomen sibi vindicat morbus. Rarior hic, frequentior ille. Prætermisiss veterum sententiis in quibus suffusionem inter & glaucoma, haud distinxisse videntur; glaucomatis naturam in opacitatem partium in fundo oculi, intrâ faciem crystallinæ lentis posticam concavamque superficiem retinæ sitarum, cum Neoteris reponimus. Suffusionis autem vitium cum iisdem asserimus opacum esse corpus pupillam inter & vitreum corpus existens. * Suffusionis igitur seu Cataractæ causâ à vitio quodam humorem crystallinum obnubilante, repetenda videtur. Hæc autem de re, magna hucusque fuit inter Auctores controversia. Nonnulli quâpiam membranâ crassis partibus in aqueo humore concretâ obvelari pupillam asserunt. Ex his alii hancce membranam modò in posticâ, modò in anticâ camerâ sedem habere opinantur. Sunt qui eandem in posticâ semper enasci & collocari contendunt. Pelliculam nonnulli è facie Crystallini deciduam, uveæ undique applicatam, obturare pupillam censuere. Alii Cataractæ causam ab opacitate Crystallini duntaxat eruere placuit. Quosdam demùm reperias, qui nunc ab opacitate Crystallini; nunc à membranâ post iridem concretâ suffusionis causam deducunt. Ultimæ adstipulantes sententiæ; 1°. Cataractas, sed frequentissimas, in opacitate Crystallinæ lentis esse refundendas asserimus. Apertis enim scalpello post mortem suffusis pluribus oculis, Crystallinum corpus induratum, friabile, mole imminutum, semperque opacum in suo ergaltulo compertum fuisse, apertis & etiam post obitum oculis in quibus per vitam operatione restitutus fuerat visus, Crystallinum corpus subter vitreum penitus depressum patuisse, numerosæ Clarissimorum virorum fideque dignissimæ probant ** observationes, quibus in principis optices Viri celeberrimi Gassendi, Rohaultius, Mariottus, planè assentiuntur. 2°. Cataractas, (si Widmanno, nonnullisque aliis Authoribus fides adhibenda,) à membranulâ quâdam post iridem concretâ quandoque nasci posse videtur. Widmannus Norimbergensis Medicus, inquit Heisterus, (a) mihi per litteras retulit sese tribus (b) præsentibus Medicis, in utrisque feminæ ejusdem oculis tunicam istiusmodi præternaturalem reperisse. Idem pergit, Lancisium Pontificis Clementis XI. Archiatrum binos incidisse oculos, in quibus membranulas albicantes adfuisse refert. Suffu-

(a) Chirurg. part. 2. sect. 2. cap. 15. n.º 2.
(b) Lochnerio, Thomasio, Gockelio.

* Nam (c) in glaucomate secundum præstantissimorum auctorum sententiam ac doctrinam, altius sive profundius in oculo pars offusca delitescit, coloremque subviridem, sive glaucum ut plurimum simul exhibet: unâ id ipsum quoque nomen suum accepisse videtur; contra verò in suffusione mox in, vel post pupillam pars obnubila adesse, ferè ad marginarium colorem accedere plerumque consuevit. Itaque

locus cataractæ cum crystallini, glaucomatis verò cum vitrei humoris situ, sive loco, accuratè convenit.

** Petri Borelli, Guerneri, Rolinici, Quarci Medico-Chir. Parisiens. Brissai Med. Tornacensis, Mestre-Jean, Heisteri Doct. Med. ac Chirurgiæ Prof. publ. Helmstad. Petri Medici. A.C. Acad. Parisiens. ann. 1709.

(c) Heister. Inst. Chirurg. part. 2. sect. 2. cap. 15. n.º 6.

sionem etiam membranæ D. Litre in concessu Academico ostendisse constat. Santorini, qui eandem aiebat esse commentitiam, hanc in cadavere nactus est. Idem refertur in Diario eruditorum ann. 1720. mens. Nov. Bonetus tandem casum refert, in quo uuxæ foramen materiâ densatâ obstructum inventum est muco è naribus educto admodum simili, totum pupillæ spatium implente, ac mediantibus fibrillis capillaribus undique margini foraminis adhærente; humor verò crystallinus, aqueus & vitreus, integri & purissimi deprehensi fuere. Dantur ergò ex prædictis, Cataractæ, quanquam raro, membranæ. Dantur & multò frequentius crystallinæ. * Quæcunque autem causâ opacetur crystallinus humor, jam ductuli à ciliaribus internis processibus oriundi obstruuntur, & lapsu temporis arescunt. Tanta porro est eorum exilitas, ut nativâ flexibilitate amissâ minimis oculorum motibus, sin omnes, plurimi saltem brevi disrumpantur. Secretoriorum interim crystallini laticis ductulorum cessat exercitium, cessat & pellucidi laticis excretio. Absumptus igitur in humore crystallino, pellucidus hic non reparatur latex; durum proinde, aridum & quasi marcidum in corpus lens abit crystallina. Sed, quod probè notandum, quò sicior ipsius evadit substantia, eò magis hujus etiam imminuitur moles, proinque hujus à ciliari ligamento limbus toto in ambitu recedit. Ex his liquet dari spatiolum lentem inter & ciliare ligamentum, seu internum angulum capsulæ medium. Inactâ ergò & illasâ omnigenorum mirabili ciliaris ligamenti vasorum congerie, solutionem in infernâ & posticâ involucris lentis regione, quâ huic in vitreum deprimentæ regium iter pareretur acu, juxta operationem inferius proponendam, commodè & amoto periculo celebrari posse liquido patet.

(a) Heister.
Chirurg. part.
2. sect. 2. cap.
55. n°. 2.

* Cum (a) è præstantissimorum Virorum... passione laboraverant, dissectis tunicam albidam, aut aliud corpus præter naturam, sed opacum potius humorem crystallinum ferè semper inventum esse.

III.
PROUT magis vel minùs per pupillam diffunditur opacitas, diversi sunt suffusionis gradus, diversæ species. Hinc immatura seu imperfecta suffusio, in quâ nimirum vel partim opacatur, aut magis minùsve concrevit humor crystallinus; unde pro diverso exsiccationis gradu, prout per molem lentis, hic vel illic opacitas utcumque disseminatur, lactea, caseosa, albicans, grisea, viridis, glauca, ferruginosa & variegata suffusio, &c. quæ omnes, prout dispari ratione fors ludere lusus amavit, diversas etiam exhibent formas. Hinc & etiam matura, seu perfecta suffusio, in quâ alterutrius è causis modò recensitis vitio, pupilla penitus offuscatur, sive hujus totum orbem obvelarit posticæ membranula, sive crystallinus humor totaliter opacatus, aridus, mole imminutus, eam obtinuerit duritiem, quæ ad operationem prosperè celebrandam apta fancitur. Hanc sibi præripuisse conditionem vulgò aiunt, si margaritæ colorem reflectente cataractâ, æger licet objectorum colores, figuram & extensionem non discernat, à tenebris tamen lucem internoscit, uti clausis oculis, vultuque intensam ad lucem converso, quilibet experietur. Sedulò explorandum commendant, num vel levissimo palpebrarum affricu, aliqualis sit motus pupillæ superstes. Sin minùs, immota pupilla suffusionem cum amaurosi, aut saltem adhærentiâ complicatam esse, *pathognomonicum* erit indicium. Simplex præterea dicitur suffusio, ubi cæteris oculi partibus sanis, in humore crystallino sedet opacitas, velumve membraneum pupillam obsidet. Complicata autem, quæ vel amaurosi, vel glaucomate stipatur, in quâ gravi inflammatione tentatur oculus, aut ipse *hypopyo* inficitur, vel atrophîâ contabuit. Ubi suffusum uuxæ crystallinum adhæret, ubi demùm alia suffusioni socia adjuncta sunt oculi vitia, quæ omnia hic recensere prorsus inutile foret. Fixam dicunt, quæ licet sicca, membranæ vitrei corporis, ciliaribusque posticis processibus annexa, quasi totidem retinaculis immota continetur. Vacillantem demùm, quæ, dissoluto vitreo humore, corruptaque hyaloide tunicâ, velut in-

tremiscens per pupillam deprehenditur locumque mutat, præprimis cum succutitur oculus. Nonnulli suffusionis differentias, etiam à tempore desumunt, hinc recens aut inveterata suffusio. Ast quædam suffusiones tardè aut nunquam; quædam subitò maturescunt. Perfecta quippè protinùs fieri potest suffusio, si quâpiam causâ violentâ, v. g. aquâ fervidâ, accensove pulvere pyro ustuletur oculus, subitòque lens opacetur crystallina. Illegitima igitur hæc habeatur distinctio. Hæ sunt præcipuæ suffusionis accidentales differentię; ad eas siquidem vel referuntur alię, vel tanquàm minùs solemnes habentur. Porro cùm inter suffusionum species, frequentissimam esse, quæ à crystallinæ lentis opacitate ortum ducit, experientia, observatio & autoritas suffragantur; circà hujus curandæ methodum res ferè tota versabitur. Opportunâ ad operationem sanctitâ suffusione, sunt qui illam in centro arripientes, eam hinc & inde agitando, acu temerè diffingunt; quot exindè suboriantur pericula, vulgè notum est. Non modò lacerari pars antica capsulæ, uvea vulnerari choroidisque vasa hisce motibus distracta perumpi, plerumque experientiâ innouit. Undè cruentatus opacitatem concipit humor aqueus; acus proindè per pupillam conspicienda oculorum operantis aciem effugit; hinc imperfectæ operationis procrastinandæ necessitas. Verùm etiam distractæ suffusionis particulæ anticam in cameram quandoquè dissilire possent, ibique temporis lapsu turbidum efficerent aqueum humorem; hinc visus proindè metuenda hebetudo. Nonnullis suffusam lentem per vulnus amplum scleroticæ infistitum, in vitreum usque penetrans, pressione solâ, aut instrumeto ad id accommodato eximere, & foràs educere arripit. Ipsosne later quantâ sanguineorum intrâ substantiam oculi tunicarum, choroidis præsertim, perreptantium vasorum congeries, qualis ordo, quis numerus? Quot humorum ex his fontibus scaturient effluvia, mente intentâ perpendant, ipsi sanè inflammationis omni operâ vitandæ præsens erit periculum. Non desunt tandem qui semper per incisam partem corneæ pellucientis inferiorem, suffusum unculo ad id comparato, crystallinum corpus extrahendum esse excogitarunt; sed quam rerum conditionibus servire nescii! Hæc, quæ unica & præstantissima est methodus, ubi iridem inter & corneam, minutissimam ob molem, suffusa liberè appulsa est lens crystallina; è contrâ solito in situ suffusionis, gravium foret infensa malorum fomes. Lentem enim unculo aut alio quovis instrumeto nec arripi, nec è sede dimoveri posse credas, quin priùs solutum (a), laceratumve fuerit ipsius involucrium; hic labor, hoc opus in distractione periculolum; & porro licet suffusionis nonnunquam fuerit sat exigua moles, quæ per pupillam liberè anticam in cameram transferri potuerit; eam nihilominùs plerumque servat amplitudinem, quâ sit ut illasâ uveâ, pupillam transgredi nequeat. Qui igitur arreptam unculo suffusionem per corneam educere sataget, uveam à tergo pressam lacerari, sin minùs quæ ipsi annexa sunt choroidis vascula disrumpi, funestam proindè inflammationem hinc brevi accersitam, infeliciter experiatur. Quin etiam præter malorum catervam, quæ in uveam favitix vestigia premunt, unum præ aliis magnopere formidandum, imminet namque latio ipsius fibrarum; ingens hercè foret periculum; ne, quâ pressione solerentur uveæ vacula, eâdem operâ rumperentur & ipsius fibræ rousculares. Hinc in uveâ fortè delecto contractionis exercitio, alter & insanabilis oboriretur morbus, mydriasis. Ab eodem fonte haud rara etiam suboriantur staphylomata (b).

Qui magis inter fe consentiunt bene multi, debitè instructis ritèque dispositis omnibus ad operationem necessariis, hanc in hunc ferè modum instituunt: duabus à corneâ pellucente lincis, è regione minoris anguli, rectâ per oculi tunicas ocularium acum immittunt, simulatque resistentia defectu, in vitreum penetrasse acum norunt, eam ad suffusionem versùs, obliquè ad anteriora tantisper eundo dirigunt, donec per pupillam conspicua fe ex adverso mediæ suffusionis adesse, signum dederit. Tunc autem acu fursùm elatâ, superne apprehensam suffusionem intrâ pupillæ regionem depriment, depressamque tantidù detinent, donec ultimæ sedi firmiter infideat. Cùm his apprimè conveniunt qui suffusam lentem in posticam oculi cameram suadent esse detrudendam. Sed quam va-

(a) Vid. doctrinam Quæstiones Classificandi Antonii Ferrein, p. 39. Tùm ejus dissertationem cui titulus: *Observationes præfationis græcæ sur Pépérain de la Cataracte*, lectum in cœtu Societatis Regiæ Monspeliensis, mensis Junii ann. 1716.

(b) Vid. Thef. An. in Cataractâ, p. 101. *Observationes extrahendi Crystallinam extraximus per incisionem in Cornu quâdam depressio per acum à pag. 12. lig. 4. & 5.*

na spes eos lufit ! Cameræ hujus angulus inferior partem lentis vix ac ne vix quartam complecti potest. Ipfimet præterea quibus hanc in cameram fuffufionem deprimere animus eft, ipfam tamen in vitreum vel infcui femper depriment; idque in oculis cadaverum fectiones paffim inftitutæ probant. Cum his, complures, quos non latet, preffione in vitreum abire fuffufionem, ad id patrandum, miffâ fectione, quæ juxta methodum inferius proponendam, in capfulam prius & ritè celebranda foret, omnes folam adhibent preffionem. Vis itaque, quâ in fuffufionem premunt, hujus renixu in capfulam exeritur. Hæc exindè laciniatim foluta, viam reverà fuffufioni in vitreum deprimendæ concedit; verùm etiam ipfi fibi permiffæ, proximâ fternutatio-
ne aut vomitu, vel oculorum motione leviffimâ, tritam viam repenti patulum iter exhibet. Hinc peractâ operatione, nativam ad fedem frequentiffimè reflitit fuffufio denuò deprimenda; hinc & etiam acûs pro re iteratâ multoties in oculum immit- tendæ dira neceffitas. Quot exindè & quàm inordinati, cùm ad deprimendam, tum ad continendam fuffufionem, repetendi motus ! quin imò tanta eft quandoque fuffufionis refiftentia, tantufque ad ipfam deprimendam nifus exeritur, ut fæpius oculi interiores membranulæ dilacerentur; undè graviffimæ fobolefcunt inflammationes, &c. Quem igitur Medicinæ movent dignitas & gloria, ejus eft tot malis medelam afferre, totque inhibere pericula. Hæc autem, cùm ferè omnia five à refiftente capfulâ, feu ab ipfius violentâ & inordinatâ folutione trahant originem; operæ pretium eft ipfi capfulæ (a) fectionem inftituere, quâ nirenti fuffufioni nec relucetetur, nec, depreffâ fuffufione, hiulca remaneat; fed cujus labia recentium & fimplicium more vulnerum brevi coalefcant.

(a) Vid. 12.
queftion, cum
differtationes
D. Varsini, fu-
pra citati.

I V.

ALIIQUALIS ubi pupillæ motus fuperstes fuffufionem cum amaurofi, adhæ-
rentiâ, aut glaucomate ftipatam non effe, lignum dederit; ad operationem pro-
perare ne dubites. Et in hunc ferè modum opus incipito. Duplici circiter, à pellucen-
te corneâ lineæ fpatio, minoris canthûs ad regionem, idoneam in oculum rectâ in
vitreum ufque, acum immitte. Ubi primùm hûc penetraffe acum, refiftentiæ te mo-
nuerit defectus. Tunc rectâ pergens, folerti manu, ad regionem fuffufionis acum magis
ac magis adigito, donec illam, locum fuffufionem inter & anticam ipfius capfulæ lamellam
medium, affecutum effe, ipfius apex per pupillam conspicuus, certum te fecerit. Cap-
fula quippe ultrâ quam, acum conspicuam fore dicimus, fubftantiâ donatur fumme
pellucidâ. Simulatque igitur per pupillam in confpectum acus fe dederit; hæc, cufpi-
de tantifper fubmiffâ, fcitè & prudenter, obliquè ad pofteriora inclinerur, fuadet ra-
tio. Quâ nimirum arte, poftica capfulæ fuffufionis membranula, ipfique fubjacentis cor-
pus vitreum, infernè acu itâ fecentur, ut deprimendæ fuffufioni patulum fiat iter.
Quo inftituto, jam acum ad pupillam revocari eò fpectat lentis deprimendæ fcopus, ut
apice paululum elato, anticè & tantifper fupernè preffa, in oppofitum propelli & per
paratam viam, in humorem vitreum fuffufio deprimi poffit. Acûs interea eâ arte atten-
das tractare gubernaculum, & itâ à temporibus manubrium amovere, ut cufpis ad po-
fteriora & inferiora tantifper oberfa, obliquum cum uveâ fitum eundo retinuerit. Sic
enim inclinata acum jam ad oculi pofteriora vergens, eâdem fermè fervatâ determi-
natione, ad partem capfulæ fecandam fcitè & prudenter duci poterit. Permulta ex hâc
operandi ratione commoda fluere comperies. 1.º. (b) Nullam acu inductam labem anticè
capfula periclitabitur. Hinc peractâ operatione, capfulam invadens vitreum corpus
Cryftallini vicarium, ipfam compos fiet in umbonem attollere. 2.º. Incolumi manente
anticè capfulâ, periculum, quo fuffufio cùm integra, tum ex parte, cùm lactea, tum
caleofa, aut perulenta, anticam in cameram prorumpere poffet, omne vitabitur. 3.º. Ne-
dum capfula refiftentiam oppofuerit fuffufioni; hæc, preffione vel leviffimâ, in vitreum
corpus deturbari poterit. 4.º. Immaturæ etiam fuffufionis curatio profpero cum exitu
tentabitur. Ided enim ab authoribus immatura operationi celebrandæ inepta fuffufio fan-

(b) Vid. præ-
cedens differta-
tionis.

cita est, quodd debitam soliditatem nondum adepta, proindeque ad vincendam capsulæ resistantiam inhabilis, prementi acui citò cederet ac divideretur. Verùm juxta methodum nostram, apertâ posticè capsulâ, ad suffusionem deprimentam sufficit pressio vel levisima. Suffusioni igitur licet immaturæ seu imperfectæ sua sufficit soliditas, ut prementis tantillùm acûs efficaciam experiatur; integraque per patentem aditum capsulæ in vitreum determinetur. Hujus assertionis veritati tua suffragabitur experientia: lentis enim quamquàm non suffulæ depressionem in oculis animantium, eâdem arte felici cum exitu tentabis. 5°. Vulgatæ methodi fautores rheumaticos & cacochymos ab operatione ægrôs plerumque arceri jubent, & non immeritò. Nam numerosis præ motibus quibus horum culpanda est methodus, hûcque additâ oculorum morbosâ diathesi, irritationem ferè semper certam; periculosa sequitur comes inflammatio. Sed ex operandi ratione nostrâ, de hisce periculis ne timeas, perpauci in eâ sufficiunt motus, adeoque in omni ferè ægrorum ætate & conditione institui poterit.

Suffusionis igitur depressionem, aliâ arte, nisi pluries petitis & ut plurimùm inordinatis motibus, undè tot & tanta sobolescent incommoda, obtineri non posse, attendenti, hanc sanè methodum in quâ perpauci, quin imò semper ordinati motus adhibentur, quæ proinde vitandis in periculis palmare sit præsidium, præstantiorem esse in propatulo est. Porro ex propositâ nostrâ methodo, acûs in oculum immisissæ unus & alter tantummodò requiritur motus: uno scilicet capsulæ suffusionis insignitur vulnus; altero, per viam vulnere paratam suffusio deprimitur. Idque cum nullâ obistente resistantiâ, imò verò acu vel tantillùm premente, fieri possit; omnis exinde distractio præcavetur, undè doloris expers, & ab omni metu immunis æger, libentiori studio quibullibet motibus abstinere, operationisque negotium sine intermissione docilis patietur absolvi. Sed quod probè notandum, cum ex operandi ratione nostrâ, in eo veratur operis cardo, ut inferna & postica capsulæ pars acu aperiatur; ad anteriora oculi hujus apex nunquam venit obvertendus; uveæ choroidisque hinc vasculis ab omni læsione sospitibus; vicinioribusque partibus membraneis, lacerationi minùs obnoxii. Funestas, quæ ex partium oculi vastatione vulgò suboriuntur sanguinis effusiones, haud experietur æger. Undè hoc obice remoto vitatque non paucis aliundè periculis, citò, tutò & jucundè inceptum opus obsolet *ophthalmiater*.

V.

NATIVUS is est suffusionis situs, ut ipsius limbus directè ad choroidem selectoricâ sultam obvertatur. Hinc, qui rectâ in oppositum premeret suffusionem, ipsius, non sine gravi periculo, depressionem obtineret. Quoties igitur absque ullâ labe, solemnî methodo adhibita, in vitreum humorem depressa firmiter insidet suffusio, infernè posticam capsulæ lamellam haud laciniatim fortuitò solutam fuisse, meritò conjicias. Alioquin levissimâ oculi motione ad ergastulum resiliisset. Sin autem dum depressioni nimium credens ocularius, operi coronidem imposuisse insido plausu decipitur, paulò post, vel sub operatione ipsâ, priorem in locum resilierit suffusio. Laciniatim hinc lacatam, ac proinde patulam nimis capsulam hujus infortunii fontem jure inculabis. Nam in lato sensu si rem intelligas, corporibus obtusis, si aliis violenter applicentur, non secandi, sed rumpendi virtutem ineffe nemo nescit. Suffusio igitur, dum vim prementis acûs experitur, obtuso limbo nîsum exerit in capsulam; hæc proinde impete factò disrumpi debet. His ergò inferre datur, non prementendam esse suffusionem, quâ prius sectiōe simplici, hujus aperta fuerit infernè & posticè capsula. Sed forsitan objicies: plerumque capsula suffusioni vel intimè applicatur, vel cum ipsâ concrevit. Hinc prælaudatâ sectio nullâ venit arte celebranda? Quemadmodum in statu sano Crystallinæ lentis lamellæ primùm in centro sunt duræ, subsequentes verò tardius & alternè solidescunt; cum præterea, asserente Morgagnio, in medio humoris utrumque fluidi lens veluti fovetur ac suspenditur; sic ubi suffusione tentatur ipsa lens, lamellæ centro propiores, plerumque primùm inquinatæ, priores etiam arescunt, subsequentes &

ultima nonnisi lapsu temporis afficiuntur. Humor ergò Morgagnii vix nisi in extremâ morbi periodo exsiccabitur. Quandiu autem suâ fluiditate non fuerit defraudatus, ten-
 sas capsulæ parietes, ac proinde à centro nuclei remotas continebit. Verisimile est igitur plerumque dari spatium capsulam inter & suffusionem medium. Id etiam, obser-
 vatione in Cadaveribus suffusione per vitam affectis, evincitur. Suffusionis igitur cum capsulâ, te non moveat adherentiæ metus, humorem Morgagnii acus liberè pervaderet. Licet præterea certum suffusionis gradum jam cotripuisset hic humor, nihilominus se-
 ctioni capsulæ non obstarèt, mollis namque adhucdum, ac proinde acu, proclivi cu-
 rà, pervius esset. Non autem incipias imus aliquando posse suffusioni adhærescere cap-
 sulam. Sed illud in suffusionibus plus æquo inveteratis ac proinde aridioribus tantum-
 modò contingere, manet inconcussum. Sed quæ in moram semper reponenda est, ad-
 hærentiam commodè vitabit, cujus operandi ratio nostræ accommodabitur. Suffusio-
 nis quippe vel etiam immaturæ curationem ferè semper certam obtinebit, juxta illud
 effatum, *principiis obsta*. Verùm ritè depressâ suffusione, in capsulam semper irrumpit
 vitreum corpus, quo præsentè, ipsa in umbonem alterum explicatur. Hinc liquet quan-
 ti anticè convexam esse capsulam, quantique proinde ipsius ex hac parte incolumitati
 interfit invigilare. Sed patulam suffusioni deprimendæ viam concedere debet, unde
 concludimus,

Ergò in deprimendâ Cataractâ, ipsius capsula infernè & posticè primùm secanda est.

DOMINI DOCTORES DISPUTATURI.

- | | | |
|--|---|--|
| <i>M. Carolus-Ludovicus Liger.</i> | <i>M. Franciscus - David Herissant, Regia Scientiarum Academiæ, Regiæque Societatis Londinensis Socius.</i> | <i>M. Joannes Astruc, salubris Consilii Regii Socius, Regis Poloniarum Augusti secundi, Electoris Saxonie, dum viveret, Medicus primarius & Professor Reginus.</i> |
| <i>M. Joannes-Stephanus Guettard, Regiarum Scientiarum Parisiensis & Florentine Academiarum Socius, Censor Regius & Serenissimi Aurelianensis Ducis Botanicus.</i> | <i>M. Jacobus - Franciscus le Chat de la Sourdiere, Chirurgia Professor.</i> | <i>M. Franciscus Mery.</i> |
| <i>M. Natalis - Maria de Gevigland, Rei Herbaria Professor designatus.</i> | <i>M. Joannes-Franciscus Islez.</i> | <i>M. Joannes - Baptista Dubois, Professor Regius Emeritus.</i> |

Proponebat Parisiis **CLAUDIUS-JOSEPHUS GENTIL**, Bisuntinensis;
 Saluberrimæ Facultatis Medicinæ Parisiensis Baccalaureus, Theſeos Author;

A. R. S. H. 1752, A SEXTA AD MERIDIEM.